

Na osnovu člana 114. i 125. Zakona o prostornom uređenju (Službeni list SRBiH, broj 13/74) člana 82. alineja 5. i 156. tačka 2. Statuta grada Sarajeva (»Službene novine grada Sarajeva«, broj 6/78), Skupština grada Sarajeva i Skupština opštine Centar Sarajevo, donijele su

ODLUKU

O USVAJANJU REGULACIONOG PLANA STAMBENOG NASELJA »BREKA II« U SARAJEVU

Član 1.

Usvaja se regulacioni plan stambenog naselja »Breka II« u Sarajevu.

Regulacionim planom iz prethodnog stava bliže se razrađuje urbanističko rješenje utvrđeno Odlukom o izmjeni i dopuni Odluke o Generalnom urbanističkom planu grada Sarajeva (»Službene novine grada Sarajeva«, broj 4/77) i utvrđuju urbanistički uslovi za izgradnju i uređenje stambenog naselja »Breka II«.

Član 2.

Izgradnja i uređenje naselja »Breka II« vršiče se etapno i na osnovu urbanističkih projekata.

Član 3.

Realizacija pojedinih etapa vršiče se tako da realizacija svake pojedine etape omogućuje korištenje tog dijela naselja, a posebno sa aspekta zagrijavanja, sanacionih zahvata, snabdijevanja, saobraćaja, saobraćaja u mirovanju i dr.

Član 4.

Način realizacije pojedinih etapa, kao i cjelokupnog naselja utvrđiče se samoupravnim dogovorom svih učesnika u realizaciji.

Član 5.

Prostorni obuhvat definisan je granicom koja počinje sa tromede parcela k. č. 2290, 2287 i 2423 (Ulica Fuada Midžića), k. o. Sarajevo V. Pomenuta tromeda nalazi se na južnom dijelu naselja. Od opisane tromede granica ide na sjeverozapad Ulicom Marcela Šnajdera k. č. 2423 do raskršća sa Ulicom Marcela Šnajdera. Od pomenutog raskršća granica se lomi na sjeveroistok novoprojektovanom ulicom Marcela Šnajdera u dužini od 420 metara, odakle se lomi na jugoistok i dolazi na tromedu parcela k. č. 1728, 1723 i 1741 odnosno na novoprojektovanu saobraćajnicu koja je ujedno granica između prioritete cjeline naselja Panjina Kula i naselja »Breka II«.

Navedenom novoprojektovanom saobraćajnicom granica nastavlja u pravcu juga i dolazi do četveromeđe parcela k. č. 2183, 2182 i 2321.

Pomenuta novoprojektovana saobraćajnica omeđava naselje »Breka II« sa sjeveroistočne strane. Od opisane četveromeđe granica naselja u pravcu zapada krivudavim međama parcela k. č. 2183, 2185, 2291 i 2290 koje ostaju unutar naselja Breka II i izlazi i na tromedu parcela k. č. 2290, 2287 i 2423 (Ulica Fuada Midžića), odnosno na mjesto odakle je opis naselja »Breka II« i otpočeo.

Sve navedene parcele nalaze se u k. o. Sarajevo V, a opis je uzet sa listova razmjera 1:1.000 sa stanjem katastarskih parcela iz 1970. godine.

Član 6.

Sastavni dio ove odluke je elaborat regulacionog plana koji se sastoji od:

1. Elaborat »A«
 - program,
 - urbanističko rješenje sa tekstualnim obrazloženjem, grafičkim priložima i idejnim rješenjima stanova.
2. Elaborat »B« — idejna rješenja
 - saobraćajnica i ostalih saobraćajnih površina, saobraćajni plan,
 - snabdijevanje vodom i kanalizacija,
 - elektroinstalacije,
 - grijanje naselja,
 - kablovska TT mreža,
 - urbanističko-građevinske mjere zaštite,
 - orijentacioni troškovi uređenja građevinskog zemljišta,
 - plan parcelacije građevinskog zemljišta,

Član 7.

Elaborat regulacionog plana ovjerava se pečatom Skupštine grada Sarajeva i Skupštine opštine Centar i potpisima predsjednika vijeća koja donose ovu odluku.

Član 8.

Po jedan primjerak ovjerenog elaborata regulacionog plana čuva se u službama dokumentacije Skupštine opštine Centar, Skupštine grada Sarajeva, Zavoda za planiranje razvoja grada Sarajeva i Zavoda za izgradnju grada Sarajeva.

Član 9.

Ova odluka stupa na snagu osmog dana od objavljivanja u »Službenim novinama grada Sarajeva«.

Na osnovu člana 4. Odluke o objavljivanju propisa i drugih opštih akata (»Službene novine grada Sarajeva«, broj 35/79), objavljujem prednju odluku.

Broj 15-363-48/81
26. maja 1981. godine
Sarajevo

Predsjednik
Skupštine grada Sarajeva
Emerik Blum, s. r.

Na osnovu člana 114. i 125. Zakona o prostornom uređenju (»Službeni list SRBiH«, broj 13/74) i člana 82. alineja 5. i člana 156. stav 1. tačka 2. Statuta grada Sarajeva (»Službene novine grada Sarajeva«, broj 6/78) Skupština grada Sarajeva i Skupština opštine Stari grad Sarajevo, donijele su

ODLUKU

O USVAJANJU REGULACIONOG PLANA PRIORITETNE URBANISTIČKE CJELINE ŠIROKAČA

Član 1.

Usvaja se regulacioni plan prioritete urbanističke cjeline Širokača. Regulacionim planom iz prethodnog stava bliže se razrađuju urbanistička rješenja utvrđena Urbanističkim planom (GUP-om), i utvrđuju uslovi za izgradnju i uređenje prostorne cjeline Širokača.